

## **Forslaget til fastlegeforskrift gir føringar som undergrev ei løysingsorientert utvikling av fastlegeordninga.**

Fastlegeordninga er utforma og utvikla i nært samarbeid mellom stat, Kommunes Sentralforbund og Legeforeningen, og blir ved brukerundersøkingar vurdert som svært vellukka.

Ordninga treng likevel å styrkast og vidareutviklast, blant anna for å kunna oppfylla samhandlingsreforma sine gode intensjonar. Dette må framleis skje i nært samarbeid mellom myndigheter, legeforening og andre berørte partar, og baserast på den beste tilgjengelege kunnskap og innsikt i den praktiske medisinske kvardag.

Vi ser med stor bekymring på den nyleg framlagde forslag til fastlegeforskrift. Den erstattar dagens avtaleverk med til dels svært detaljerte og uhensiktsmessige bestemmelser som pålegg fastlegane oppgåver som er innbyrdes motstridande og totalt sett ikkje gjennomførbare. Bestemmelser som har som siktemål å sikra godt tilgjenge og god kvalitet er utforma med tilfeldig valde kravspesifikasjoner som ikkje er underbygd av forskning eller erfaringsmessig kunnskap. Krav til responstid og tilgjenge for pasientane vert undergravd av auka krav til møteaktivitet, kartlegging og rapportering. Dette er kombinert med at kommunane kan påleggja mange fastlegar ansvar for fleire listepasientar enn dei har i dag, og også påleggja dei større offentlege allmennmedisinske og samfunnsmessige oppgaver.

Det er urovekkjande at desse urealistiske føringane og inneheld forskriftsfesta truslar om økonomiske sanksjonar dersom fastlegane ikkje maktar å oppfylla alle krava.

Dersom forskriftsforslaget vert vedteke er vi redd det vil medføra kraftig reduksjon i rekrutteringa av nye gode fastlegar. Det vil og vera ein alvorleg bremsekloss på utviklinga av god samhandling og gode samarbeidsavtalar i kommunane.

Vi vil oppfordra Helseministeren til å i samarbeid med Legeforeningen og Kommunes Sentralforbund arbeida fram eit funksjonelt rammeverk for fastlegeordninga slik at vi også i fremtida har motiverte og gode fastlegar i ei god offentleg helseteneste.

Underteikna er alle fastlegar på Voss. Om det framlagde forslaget til fremtidig fastlegeordning vert vedteke vil det bli svært vanskeleg for oss å fornye våre fastlegeavtalar med kommunen. Vi ønskjer å vera fastlegar, men vi kan ikkje leva med denne typen krav, truslar og usikkerheit.

Voss 8. februar 2012

OTTAR R. FJOSE  
LEGE

Vangsgata 38 - 5700 VOSS

Lege Bernt Dahlkvist  
5700 VOSS

Ana Cecilia Sæthre

LEGE  
RØGER RINGDAL  
Spesialist i allmennmedisin  
BOKS 13, 5701 VOSS

VIGLEN KOMMUNALET LEGE MDNLF  
SPESIALIST I ALLMENN MEDISIN  
VOSSEVANGEN LEGESENTER  
SKULEGT. 11 A, 5700 VOSS, Tlf. 56 53 30 90  
ID-NR. 2133857

